

Коми Республикаса том войтырлөн газет



6 1

ЙОЛДА

2014
кӧч
5-ӧд
лун

35№
(1160)



«Изъваса Мадоннаяс»

8-11 л.б.

**Тайо
НОМЕРЫН**

Сосногорскын кыпыда муніс «Сосногорье - 2014» национально-культурной фестиваль. Гажсö нуодісны Уквавом сиктын. Сиктыслы таво тырис 215 во, көні буретш и чужліс фестивалыс.

6
л.б.

Таво миян Коми Республика пасйис котырчөмсяныс 93 во. Такöд йитöдын муно быд пöлөс гажыс республикаса став кар-районын. Эз öддортчы таысь и Россияса юркарин Коми Республикасалөн ичöтик юкөн - Россияса президент бердын Коми представительство. Август 19 лунö сійö пасйис Коми Республика лун. Москваö тшöтш ветліс Изьва районысь делегация.

8-9
л.б.

Миян Войвылыд озыр уна сикас вотöсөн. Буретш тайö кадö кисьмис-воис пув - витамин да чöскыд вотöс. Сыысь коть кутшöм сёян дасьты, весиг пувъя шыд пулöны. «Йöлөгаса» Дашук со мый вöзйö дасьтыны.

14
л.б.

Заводитчис выль велöдчан во. Велöдчысыд вель уна карандаш-ручкаөн вöдитчö. А медым пызан вылад пыр вöлі порадок, велöдчам вöчны мича «юкмöс». Сэтчö позьö пуктыны велöдчан эмбуртö.

16
л.б.



Чужанлунасям

Талун Сыктывкарса коми культура шöрин пасйö ассыыс 13 чужан лунсö. 11 чассянь 16-öдз татчöс уджалысьяс виччысьöны быд локтысь-мунысьöс пусыны да чöсмасьны, сывны-йöктыны да шегъясьны, пасьтавланы мича сарапанъяс да вöралысьлысь паськөм, а сөсся фотографируйтчыны.

Чужан лун дырйи пояз тöдмасьны шöринлөн быдлунъя олөмөн, пыравлыны-видзöдлыны сылысь гуся пельöсьяссö, чöсмасьны пöжасөн да сьölөмсяныд гажöдчыны.



«ЧОЙ» - кык чойлөн уджтас

Сыктывкарын Россияса финн-йöгра культура шöринын лöё Екатерина да Анастасия Тихонюк чойяслөн выставка, коді сідзи и шусьö - «ЧОЙ». Проектсö найö дасьтöмаöсь Комиын Москвалысь лунъяс пасйигкежлö.

Нывъяс чужлöмаöсь Ухтаын, но шуда челядьдырныс налөн кольöма Сыктывдін районса Паджгаын. Батьныс - енбиа морт, окотапырысь вундасьö пуысь, серпасасьö, кысьö сямöдысь. Сылөн енбиыс вуджöма тшöтш и нывъясыслы. Кыкнан чойыс помалöмаöсь Ю.Спиридонов нима искусствояс гимназия. Екатерина да Анастасия водзö пырöмаöсь велöдчыны Москваса сервис да туризм госуниверситетö. Ыджыдджык чойыс лöөма нин паськөм кузя дизайнерөн, а ичөтджыкыс велöдчö на интерьер кузя дизайнерö коймöд курсын.

Екатерина вурö ас нима паськөм, а водзö вылö кöсйö востыныны нейджыд ателье. Öтувъя выставка вылысь пояз аддзыны «Авангард», «Восток», «Этно», «Шаманы» да мукöд коллекция, кодъясөн ныв петкөдчывлöма уна сикас конкурс-выставкаын. Анастасия дасьтöма графической уджъяс, кодъясын востьö рөмөн ворсөм. Выставка дырйи жö пояз модельяс вылысь аддзыны том дизайнерөн лөсьöдөм паськөм.

Медводдза выставканысö чойяс сйöны мам-батыслы, кодъяс пыр эскöны нывъясыслы да быд ногыс отсалöны налы.

*Дасьтöма finnougr.ru сайт серти
Снимокыс Павел Симпелевлөн.*





Вылъ велöдчан волөн медводдза лунъясö Коми Госсöветса депутатъяс традиция серти нуöдöны урокъяс республикаса школаясын. «Парламентская неделя» заводитчис сентябрь 1 лунö.

Годны Косья

Велöдысьöн лоны абу кокни

Сідз, сентябрь медводдза лунö Коми Республикаса Госсöветса председатель Игорь Ковзель нуöдс урок Сыктывкарса народнöй дипломатияса гырысь класса велöдчысьяслы. Сёрниыс медводз пансис Россияса парламентаризм, странаын öнiя государственнöй власьтöн артманног йылысь. Ныв-зон уськөдiсны тöд вылö, кыдзи водзынджык шусис Государственнöй Дума («народное вече»), а сідзжö висьталiсны быдсикас странаын законодательнöй органъяс йылысь.

Бiзъöдiс велöдчысьясöс Игорь Ковзельöн «Мыйла колöны регионъясын парламент?» юалöм. Ныв-зон öдiйö аддзисны сылы вочакыв: медым донъявны олöмсö сiйö либö мöд места вылын, артмöдны «власьтлысь вертикаль». Госсöветса председатель содтiс, регионса депутатъяслöн пö медшöр мог - пыртны оланпасъяс сiйö либö мöд инлысь аслыспöлöслунсö тöд вылын кутöмөн.

- Миян странаыд ыджыд, войвывсянь лунвылöдз абу öти сикас, тшöтш и вöр-ваыс торьялö, войтырлөн традициясыс. Тайöс колö кутны тöд вылын законъяс вылын уджалiгөн, - тöдчöдiс



Игорь Ковзель.

Лицейстъяслöн вöли позянлун сетны юалöмъяс. Медъяна томулöвöс майшöддiс, кор заводитасны лэптыны оз сöмын детсадъяс, но и школаяс; позьö-ö вештыны

комендантскöй час сёрджык кад вылö. Найö вöзйисны вöчны йöръясын унджык спортплощадка, медым быдөн вермис тренируйтчыны юркарса шöр стадионнын. Игорь Ковзель вочавидзис став юалöм вылö, а öткымын вöзйöм сюркнялiс пель сяяс.

Урок бöрын Госсöветса председатель висьталiс ассьыс видзöдлассö ныв-зонкöд аддзысьлöм серти.

- Аддзысьлöмыс меным кажитчис, челядь кужисны вочавидзны менам юалöмъяс вылö. Кöть велöдысьнад абу кокни лоны, и кымын ыджыдджык классыс, сымын сьöкыдджык, но татшöм урокыс зэв интереснöй. Нимкодъ вöли паныдасьлыны велöдысьяскöд да студентъяскöд, - висьталiс Игорь Ковзель.

Сентябрь медводдза лунö жö Игорь Ковзель волiс государственнöй служба да управление республикаса академияö, линейка дырйи чолöмалiс ставнысö выль велöдчан вöөн.

*Коми Республикаса
Госсöветлөн юöр серти*



Август помын Кулөмдін району котыртчыліс гожся медбур уджалан отрядъяслөн да бригадаяслөн слёт. Муніс сійө юрсиқтың. Колө пасыны, мый Кулөмдін район пасьта тавося январь төлысынь август помөдз уджаліс 571 томулов. Вөлі котыртлөма гожся 12 уджалан отряд, 30 сайө бригада, сиктса да районса веськөдлысыя нима 3 отряд.



ВОДЗМӨСТЧӨМ

Кулөмдінса уджач томулов

Тайө кадколастнас Кулөмдінса томулов бергөдісны вель уна удж: отсасисны лөсьөдны челядьлы да спортивной площадкаяс, мичмөдісны-вежөдісны сикт-посёлокъяс, пелькөдісны вичко да памятник доръяс, уджалісны поштаын да вузасянінъясын. Уналы тавося гожомыс лоис медводдза воськолөн верстьө олөмө.

Тавося слёт вылө воліс 10 котыр. Тайө Керчомъясы «Юность», Помөсдінысь «Летний десант», Озъягысь «Бригантина», Зимстанысь «Алые паруса», Югыдъягысь «БЭМС», Пожөгысь «Даёшь, молодёжь», Немдінысь «КОРТ», Тымсерысь «Виктория», Шөръягысь «Динамит», Кулөмдінысь «Беспокойные сердца». Быд котыр петкөддіс асьсө сөмын медбур боксянь, восьтіс аслыспөлөслунсө. Таысь кындзи быд команда водзвыв дасьтіс плакат, кытысь позис аддзыны томуловлысь гожөмбыдөн бергөдөм уджсө. Окотитысыя вермисны дасьтыны и видеороликъяс. Плакатъяс өшлисны Кулөмдінса культура керкаын, и найөс вермис аддзыны-донъявны эз сөмын жюри, но и асьныс челядь, найөс дорысыя.

Слёт восьтыны воліс Кулөмдін районса веськөдлысь Дмитрий Шатохин, коді аттьөаліс челядьөс водзмөстчөмысь да бур уджысь, а сэсся сиис став пөвстсыс бөрийны вермысьөс, коді эськө доръяс районлысь нимсө республикаса слёт дырйи.

Та бөрын уджө босьтчисны донъялысыя: районса веськөдлысьөс вежысь Н.А.Левченко, Кулөмдінса йөзөс уджөн могөдан шөринөн веськөдлысь М.Х.Савицкий, образование юкөнын веськөдлысьөс вежысь О.В.Лебедева да Кулөмдінса челядь творчество керкайн веськөдлысь О.А.Тюрнина. Жюрилы коліс бөрийны медбур котырөс, коді эськө и ас йывсыс колана ногөн

висьталас-петкөдлас, и быд ордысысьомын вермас.

А бөрийсыны ковмис ёна. Кыдзи нө мича да сьөлөм вөрзьөдана сьыланкыв верман өткөдьявны зарядкөд, либө реклама петкөдлөм донъявны град вөчөмкөд?!

Медбөръя ордысысьөмөн котыръясы лоис выльөн восьсөм физкультурно-оздоровительной «Олимпик» комплекс. Тані командаьсө пырысыясы ковмис торйөдчыны өта-мөдсыс да ордысыны ас йөзкөд. А медбөрын ордысысьомын вермысьсө бөрийны эз и вермыны - өд котыръяссө лои соралөма!

Жюрилы ковмис пуктыны став вынсө, медым шуны районса медбур командалысь нимсө. И сідз, «Медбур выставка» нимпасын вермысьнас лоис Кулөмдінса «Беспокойные сердца» котыр. Мөд места вичмис Немдінса «КОРТ» котырлы, а коймөдөн шуисны Помөсдінысь «Летний десант» командаөс.

«Медбур ролик» нимпасын медводдза места вичмис Шөръягса «Динамитлы», мөдыс - Керчомъясы «Юностьлы» да коймөдыс - Кулөмдінса «Беспокойные сердца» котырлы.

«Творческой самопрезентация»

нимпасын медбурөн лоис Помөсдінысь «Летний десант», мөдөн - Зимстанысь «Алые паруса» да коймөдөн - Пожөгысь «Даёшь, молодёжь» котыр.

Став гожся вөчөм уджсө артыштөм бөрын Помөсдінысь «Летний десант» лоис районса медбур командаөн. Мөд места шөдөдіс Кулөмдінысь «Беспокойные сердца» котыр. Коймөд места вичмис Зимстанысь «Алые паруса» командалы. Сідзкө, помөсдінсалы и ковмас дорыны районлысь нимсө республикаса слёт дырйи. Накөд жө муніс Кулөмдінса веськөдлысьлөн вуджан кубок.

А уджөн могөдан шөринлөн кубокыс вичмис зимстансалы, өд найө медбура котыртөмаөсь гожся уджаланног.

Слөтө пырөдчысыя пөвстысь быдөнлы сетісны аттьөалана письмөяс. Вермысыясы - сертификатъяс да дипломъяс, нейджыд козинъяс.

Тавося слёт эштис. А сійөс котыртысыя и мөд во виччысьөны татшөм жө водзмөстчысь да быдтор вөчны кужысь том войтырөс.

Кулөмдінса йөзөс уджөн могөдан шөринлөн юөр серти.





ГАЗ

Сосногорскын кыпыда муніс «Сосногорье-2014» национально-культурной фестиваль. Гажсö нүөдисны Уквавом сиктын. Сиктыслы таво тырис 215 во, көні буретш и чужліс фестивальыс.

Чöсмасисны ыджыд-ыджыд шаньгаён

Уквавом меститчöма Ухта да Изьва юяс öтла-асянінын. Сылөн озыр историяыс да аслыспöлс культураыс. Буретш тані чужлöмаöсь медводза коми лётчик Пётр Истомин да нималана коми гижысь Яков Рочев.

Гажыс заводитчис театрализуйтöм петкөдчöм-сянь, видзöдысьяс бергöдчывлісны важся кадö. Предание серти, Уквавом сиктö медводз локтöма вöралысь Василий Кустышев, коді вайöдöма Изьва ю берег вылö асьыс гөтырсö. Сэсся вöралысьлөн семья дорö нöшта некымынөн локтöмаöсь - Истоминьяс, Рочевьяс, Дуркиньяс, Филипповьяс да Каневьяс. Найö - öнія олысьяслөн вужийс.



Уквавомлөн олöмыс йитчöма мян страналөн олöмкөд. «Сосногорье» фестиваль котыртысьяс эз вунöдны сиктса исторической пас да памятникьяс. Отец Сергей сьыліс Илья Пророк нима вöвлöм вичко местаын, öні сэні сувтöдöма крест. Сэсся гажö пырöдчысьяс волісны сійö местаö, кытчö гу-



алöмаöсь белогвардеечьясөн лыйлöм сизим партизанöс. Матыстчылісны тшöтш и Айму вöсна Ыджыд тыш дырйи пöгибнитöм салдатьяслы сйöм сиктса памятник дорö. Обелиск вылын пасйöма 154 ов. Вояс мунöны, а Уквавом сöвмö. Районса важся библиотека, коді меститчöма Уквавомын, некымын во нин лыддысьсö медбурьяс лыдын.

Сиктын олысьяс ворсöны көлысь, чужтöны челядьöс, гажöдчöны. Квайтöд во нин со сиктса медшөр гажөн, кытчö чукöртчывлöны республика-



са быд пельöсысь йöз, шусьö «Сосногорье» фестиваль. Таво сійö торйөн нин кыпыда муніс.

Фестивальсö восьтіс Сосногорск администрация-ён веськөддысь Дмитрий Кирыяков. Сійö чолöмаліс ставнысö чужан сиктлөн лунөн да тöдчöдіс, мый быд во фестивалыс паськалö.

«Сосногорье» гаж вылö унаөн волісны: енби артистьяс, республикаса киподтуя йöз, уна сикас национальностья войтыр. Кодлы окота, позис сёрнитыштны артистьяскöд, öд сцена бöрын найö лэччисны видзöдысьяс дорö да пырöдчисны конкурсьясö, ньöбалисны сувенирьяс.

Фестиваль вылö волісны сиктсö нимöдысь йöз. Генрих Кустышевöс ас сиктса шуöны Енсянь бурдöдысьөн. Сылөн пияныс тшöтш мунісны батыслөн кок туйöд. Чолöмалісны семьяса тшупöда пасөн Татьяна да Юрий Дюрисьясöс, уна челядя семьясöс - Лесниковьясöс да Коковкиньясöс, сиктса медся олöма мортöс - Роза Рочеваöс да медся томсö - Валерия Пеняйкинаöс.

Чöскыд юква сёйöм, ас киён сувенирьяс вöчöм, ыджыд-ыджыд шаньга сёйöм (сылөн пасьтаыс таво вöлі быдса 3 метра), ёртасян бипур дорын кытшөн ветлöм, конкурсьясö пырöдчöм - ставыс тайö вöлі кыпыд да гажа «Сосногорье» фестиваль дырйи.

**«БНК» сайт серти.
Снимокьясыс «БНК» сайтсысь.**



**Босът
ПРИМЕР**

**Сентябрь медводдза лунö Корткерос районуь Шойнатыса шко-
лаын кыпыда чолөмалісны гырысь класса велөдчысьясысь ко-
тыртөм вöрын уджалан-кусөдчан республикаса медводдза дружи-
наын зільысьясөс - 10-өд класса ныв-зонмөс.**

Дас лун чөж томулов отсасис-ны сиктса би кусөдчысьяслы да лесничествон зільысьяслы. Медводдза дружина кыпыда восьтигөн, август 18 лунö, ныв-зонмөс волісны чолөмавны да бурсиймгяс висьтавны вөр институтысь директор Валентина Жиделева, би кусөдан да вой-тырөс дорьян управлениеысь веськөдлысьөс вежысь Александр Сыскин, Шойнатыса шөр школаысь директор Ангелина Захаренко да 14-өд номера би кусөдан отрядысь веськөдлысьөс вежысь Сергей Ширяев. Быдөн на пөвстысь ошкис томуловөс да эскөдіс, мый дружинаын уджалом - тайö зэв коланатор, тайö историяö пырөм да водзö профессия бөрийөмын воськов.

Тайö дружинаас пырысь ныв-зон гоз-мөд во нин отсасьöны лесничестволы. Сідзкө, налы төдса нин вөлі тайö уджыс. Найö төдöны нин, кызди весавны кыздза рас, потшны кодзувкоткар, вөчавны-нюжөдны шланггяс да уна мукөдгор.

А би кусөдчысьяслөн сойборд улын велөдчысьяс весалісны пөжарной тыяс, пелькөдісны би кусөдан часьт дор, вөчисны сөстөмджыкөн да идөраөн сиктса уличаяс.

Верстьöлы отсасьысьяс



Дружина котыртан лунö воліс тшөтш и вөр институтысь студент, Шойнатыса школа помалысь Валерий Микушев. Сійö висьталіс, кызди ас кадö тшөтш уджавліс школаса лесничествон да кызди тайö водзмөстчөмыс отсаліс пырны велөдчыны вөр институтö.

Сентябрь 1 лунся гажывса линейка дырйи гырысь класса велөдчысьясысь котыртөм вöрын уджалан-кусөдчан республикаса медводдза дружинаын зільысьясөс ошкисны да пöся аттьөалісны бур да колана уджысь.

**Ольга
ПЕЧЕНИЦЫНА**





«Йи кылаём» обряд

Изъваса комилён «Йи кылаём» гаж водзын лыддыссис йёзкостса календарной гажён. Быдён, коді одо вадорын, окотапырысь виччысьё йиысь мынём. Оні на изъвасалы юыд - ветлан-мунан туй. Та понда, кор сійё вощё, радлёны ставён.

Йи кылаан лунё Мошъяуга грездын шойч-чан лун. Коть войнас, коть луннас заводитіс кылавны юыс, ю дорё лэччылісны быдса семьяён, од ставён виччысисны тайё лунсё. Йиыс кё заводитіс кылавны войнас либё водз асылы, пальодлісны челядыс да отув мунлісны берег выло, вочлісны колана обряд. Быд сиктын эмось піль-пёч, кодъяс кужисны аслыспёлоса сывны. Найё лыддёдломён кольёдлісны йисё, бёрдісны йи послён бырём понда. Нывбабаяс шыблавлісны ковтом сёй доздук - тадзи мынтёдчисны став лёксыс. Сизябын йёзыс чукортчылісны джуджыд Мылькыв вылын, сьылісны, качельён качайтчисны.



Тшупöга
ПАС

Таво миян Коми Республика пасйис котыртчöмсяныыс 93 во. Такöд йитöдын муно быд пöлöс гажыс республикаса став кар-районнын. Эз öтдортчы таысь и Россияса юркарын Коми Республикасалөн ичöтик юкөн - Россияса президент бердын Коми представительство. Август 19 лунö сийö пасйис Коми Республика лун.



Коми представительствоö волісны федеральной министерствоысь, ведомствоысь йöз, странаса регионъясысь делегатъяс да мукöд пыдди пуктана войтыр. Гажсö мичмöдیسны Изьва районса сьылан-йöктан котыр да Москваса артистъяс, кодъяс чужлöмайсö Комиын.

Изьваса миян делегацияö пырисны велöдан юкөннын уджалысьяс: Роман Селиверстов - велöдан управлениеон веськöдлысь, Изьва районса содтöд тöдöмлун сетан шöриннын директорöс вежысь Елена Хозяинова, шöринса велöдысьяс, мастеръяс - Валентина Артеева, Татьяна Лодыгина, Светлана Чупрова, «Радуга» студияö ветлысь Денис Артеев да «Купальница» фольклор котыр.

Москваö ветлiгөн петкöдлiм Изьва районнымöс Россияса тшупöдын. Да и челядлы тайö бур козинөн лои, öд вöлі позянлун тöдмасьны Москва карөн. Ми волiм ВДНХ-ö, шензим сэтчöс фонтанъяслөн мичлунөн, аддзылiм Москва карсö сiдз шусяна «колесо обозрениясьня», волiм Гöрд Площадь вылö изьватас костюмөн, куслытöм би дорын видзöдiм карауллысь вежсьöм, пыралiм Москваса зоопаркö.

Коми Республикалы сийм шöр гажсö артмöдiсны: «Купальничалөн» петкöдчöм, Изьва районса содтöд тöдöмлун сетан шöринса челядлөн уджъясысь «Изьваса Мадоннаяс» выставка да акань дасьтан мастер-класс.

Абу прöста выставкасö нимтöма «Изьваса Мадоннаяс». Сылысь подуvsö артмöдö нывбабалөн образ - мамлөн, том нывлөн, невесталөн пертасьяс.

Мастер-класс дырйи быдөн вер-

мис вöчны ас киөн акань. Ёна шензöдiс москвасаöс «инька» акань, кодöс вöчöны утка юрысь.

«Купальница» котырлөн петкöдчöмыс, сэтчöс артистъяслөн мичлуныс, ас вынö эскöмыс воис сьöлöмас уналы. А нöшта сцена вылын петкöдлiм кольöм нэмся 30-öd воясын Изьва ю вылын йи кольöдан обряд. Тайö обрядсö котырыс ловзöдiс 2011 воын пöль-пöч отсöгөн. Медбöрын ставлөн (гöсьтъяс лыдын вöлі и Сергей Сорокин - Питирим Сорокинлөн пиыс), öтутчисны изьваса хоровадö.

Мöд лунас аддзысьлiм «Парма» национально-культурной котыркöд. Черинянь сөйигөн да тшай юигкостi сёрнитiм «Пармалөн» да «Купальничалөн» 25 вося история, Комиысь петöм енбиа йöз, Москва, Коми Республика йылысь.

«Парма» öтувтö Коми Республикаысь петöм йöзöс ыджыд карын. Сылөн тшупöда паскöд йитöдын Изьваса делегация козналiс ас районса канпаслысь макет. Сийöс дасьтiс «Радуга» студияö волысь Мария Канева. А нöшта козналiсны Изьва районлөн 85 тырöмкöд йитöдын мича фотоальбом.

Окота аттьöавны найöс, кодъястöг эськö эз артмы тайö ветлöмыс: Изьва районса администрацияөн веськöдлысь И.В.Норкинöс да Изьваса содтöд тöдöмлун сетан шöринса директор О.А.Кунгинаöс.

Москваö ветлöм сетiс вын да кöсийм водзö уджавны, мыйкö выльтор тöдмавны окоталун.

Елена ХОЗЯИНОВА,
Изьва районса содтöд тöдöмлун сетан шöринысь директорöс вежысь.



ИЗЬВАТАС - МОСКВАНЫ



Туйвыса БЛОКНОТЫСЬ

Москваö ветлөм йылысь сьёлөмкылөмъясөн «Йёлөгакөд» юксьö Изьва районса «Купальнича» котырö ветлысь нывка Александра Терентьева.

«Купальнича» КОТЫРЛЫ КОЗИН

Ме зэв ёна радейта сьывны да йоктыны «Купальнича» котырын, кытчö радпырысь ветлөдла уна во нин. А таво миян «Купальничалы» тырö котыртчöмсянныс 25 во. И буретш тшупöда пас кежлö коллективын сьылысь-йоктысьяслы уси шуд ветлыны Москваö.

Россияса юркарö мунтöдз ми ёна дасьтысим-репетируйтим, медым нимöдны да бур боксянь петкөдлыны Изьва районнымöс. Лöсьöдчим вель дыр: корсим изьватас паськөм, вурим чуркьяс, кым вöньяс, мичмөдм сарапан да сосьяс.

Регыдөн и воис Москваö мунан луныс. Сэки лунтыр тэчи чемоданöс, зэв ёна пол, мый мыйкö вунöда. Весьшөрö тай повсьöма - нинöм абу вунöма!

Муним суткикысь дырдзык «Воркута - Москва» поездөн, 4 час гөгөр рытын воим. Миянöс воча-

алис Вероника куратор, кодi нуöдiс ставнымöс гостиницаö. Сэни ми олим куим лун чöж.

Сöмын на удитим пуктыны сумканымöс - миянöс корисны нин мунны ВДНХ-ö, а туй коластас пыралим сёйны «Му-му» кафешкаö. А ВДНХ вылас сэтшöма кажитчис! Экскурсоводыс сымындатор висьталiс! Ёна и фотографурутчим, торйөн нин мича фонтаньяс дорын.

Мöд лунас ми муним Москваын Коми Республикаса Представительствö. Буретш сэни миянлы ковмис петкөдлыны ассыным енбинымöс. Бара на полi, мый оз артмы петкөдчöмным, но бара на тай весьшөрö повсьöма - вель на и бура сьылим-йөктим.

А петкөдчөм бöрас муним гуляйтны Гөрд Площадь вылö. Уси шуд ас синмөн адззывны караулысь вежсьöмсö - сэтшöма ка-

житчис. Пöттöдз гуляйтöм да нимкодьясьöм бöрын бөр муним гостиницаö.

Коймöд лунас ветлим Москваса зоопаркö: сы мында пемöс адзылим! Меным торйөн нин ёна кажитчис öблезянаыс, зэв нин тешкодь да лабутнöй.

Зоопарк бöрас муним «Парма» котыркöд адззысьлөм вылö. Миян веськөдлысьясыным висьталiсны сэни Изьва район йылысь. А медбöрын сьылим мича сьыланкыв.

Представительствосьянь дзыкпыр мөдöдчим вокзал вылö, кытөн бара на виччысис гортö нуöдысь «Москва-Воркута» поезд.

Москваö тайö ветлөмыс дыр кежлö коляс вежөрö, öд ставыс сэтшöма воис сьёлөм вылö.

Александра ТЕРЕНТЬЕВА,
«Купальнича»
котырö ветлысь,
Изьва районса Сизыыб сикт.

«Купальнича» фольклор котыр чужöма 1989 воын Изьва районысь Сизыбса школа бердын.

Котыр дасьгыны ышöдысь - анлия кыв велöдысь Валентина Тимофеевна Чупрова.

Музыкаса руководитель: Владимир Иванович Чупров.

2003 восянь «Купальнича» котыр лöма Изьва районса содгöд төдöмлун сетан шöринлөн юкөнөн.

Уджын медшөр мог - видзны да нимöдны йöзкост традиция да культура.

«Купальнича» котырлөн петкөддантор: кытшөн (хороводөн) ветлөм, йöзкостса да авторьяслөн сьыланкывьяс, удж петкөдлан обрядьяс да лыддьöдлөмьяс, йöзкостса йөктөмьяс да ворсөмьяс, көлысь обрядывса сьыланкыв-петкөдчөмьяс, челядь фольклор.





АДДЗЫСЬЛӨМ

Кулөмдін районса Кебанъель посёлокын социально-реабилитационной шөринысь быдтасъяслы мойвиис волены Сыктывкарё да веськавлыны Коми Республикаса МВД-лөн история музейё да дельфинарийё.

И музейын, и дельфинъяс дорын

Юркарё челядь да налөн велөдысьяс воисны кадысь водзджык. Та вöсна прöст здукö веськöдчисны Киров нима паркö, медым видзöдлыны, кутшöмджык вежсьöмъяс лоины бөръя воясö. Челядьлы ворсан площадка вылын ворсöм-исласöмөн да качайтчöмөн öдйö и лэбыштис кадыс.

Сэсса ставөн ветлісны музейё. Сэтчöс экскурсовод петкöдліс МВД-лөн историкад йитчöм быдсикас лөомтор да висьталіс шензöданаторъяс. Вочавидзис и том-уовлөн юалöмъяс вылö.

Пажнайтöм бöрын Кулөмдінса котыр веськöдчис дельфинарийё. Унабн ныв-зон пöвстысь некор на эз аддзывлыны дельфинöс, морскöй котикöс да еджыд китöс. Ёна и шензисны-видзöдісны на вылö. Волісны том йöз и юркарса телецентрöдз.

Татшöм шуда билетис шедлö нэмнас, гашкö, дзик öтчыдысь. И Кебанъельса томуров сёлöмсянныс атгьöалöны шöр федеральной инспектор Олег Алтуховöс, коді отсаліс налы веськавлыны юркарё.



Сентябрь 1 лун водзвылын Луздор районса семьялы да челядьлы отсöг септан шöринын нүөдісны «Зарни ключлөн гусятор» гаж.

Козин пыдди - портфель

Медводдза классö мунысьяслы мойдыввса персонажъяс висьталісны школаса олөм йылысь. Быдтор тöдысь Сюзь сеталіс колана вöзйöмъяс, нүөдіс конкурсъяс. Мальвина да Артемон петкöдісны, мыйла колö бура тöдны шыпасъяс да кужны лыдысьны. И весиг Базилио кань, Алиса руч да Карabas-Барабас пасйисны, мый велöдчынытö збыльысь колö зэв бура. А Буратино ставлы висьталіс, мый бура велöдчöм могысь колö сöмын көсйöм, а оз зарни ключ.

Таысь кындзи медводдза классö мунысьяслы вичмис козин - тетрадь-ручка да карандаш-фломастер тыра портфель. Весиг көм-паськөм вичмис сиктса веськöдлысьяссянь да ас вылас уджалысьяссянь.

А медыджыд козиннас гаж котыртысьяслы лоис челядлөн шуда нюмыс да гораа сералöмыс.



Социальной технологияс сөвмөган шöринлөн юөр серти



КОЛАНА УДЖ

Сентябрь медводдза лунö Коми Республикаса ГИМС-ысь инспекторъяс 9-13 арöса матö 700 велöдчысьлы нуöдисны урокъяс.

Зілясны отсавны

Медшöр могыс инспекторъяслöн - төдмöдны да велöдны, кызди видзчысьны да мый вöчны ва вылын неминучаö веськалöм дырйи. Урок заводитчигöн челядьлы висътавлісны Коми Республикаса ГИМС-лөн история, инспекторлөн профессия да отсöг сетан эмбур йылысь. А сэсся нин велöдисны-висъталісны, мый вöчны ва вылын неминучаö веськалöм дырйи да кызди отсавны вöйысьлы.

Велöдчысьяслы воис сёлöмас инспекторъяслöн висътасьöм-велöдöмыс. Медбöрын зонпосни сетісны кыв, мый быгъ зілясны отсавны неминучаö веськалöмалы. А козин пыдди ныв-зонлы вичмисны колана вöзйöмъяса мича буклетъяс.

Коми Республикаын Россияса МЧС-лөн медшöр управленийлөн юөр серти.



Кöрткерöс районьы Керöсса школалөн первой классö пырисны велöдчыны кык нывка да кум зонка. Окота на йылысь неуна висътыштны.

Сиктысь – карö ЮОР ВАЯМ

Мед шань йöзöн быдмасны

Ксюша Дёмина радейтö сывны, серпасаны, а тшöтш и йöктыны. Валя Игутава тшöкыда кежавлö сиктса культура керкаö Люба нывъёртыскöд, окотапырысь пырöдчö ворсöмъясö, тшöтш зильö мичаа йöктыны. Саша Стратулат некор оз öдортчы походö ветлöмысь. Коля Ветошкин - ичöтик тушаа шань детинка - ёна жö радейтö ворснытö, небöг тыра портфельсö, буракö, Настя чойыс кутас отсавны кыскавны, коді таво бöръя во велöдчö. А Данил Добриков зэв уджач зонка, гождöмбыд Никита вокыскöд отсасис гортас турун пуктыны-заптыны.

Газет пыр висъталам атгöенбиа ань Ольга Николаевна Бармичевалы, коді гождöмнас воліс культура керкаö да велöдис «Визув ёль» котырö ветлысь посниуловöс сывны-йöктыны. А став мам-бать да ас нимсянь сиа тайö дзюлюкъясыслы бура велöдчыны да быдмыны шань йöзöн.

**Керöс сиктса культура керкаөн веськöдлысь
Наталья Семёновна
ВЕТОШКИНА.**



Миян Войвылыд озыр уна сикас вотөсөн. Буретш тайё кадё кисьмис-воис пув - витамина да чөскыд вотөс. Сыысь коть кутшөм сёян дасьты, весиг пувъя шыд пулёны. «Йөлөгаса» Дашук со мый вөзий дасьтыны.



**Дашук
ВЕЛОДО**

Пувъя чөскыд сёян

Витamina юантор

Колө: 2 кг пув, 0,5 кг турипув, 10 см ыджда имбирь вуж, 6 ыджыд пань ма. Пувсө да турипувсө мыскавны (позьё содтыны сьод пельсь, гөрд сэтөр да чөд), пуктыны тусьяссө көструльö, кисьтны 3 литра ва, содтыны шырөм имбирь да пуктыны ичөт би вылө. Пуны вевттьөмөн 30 минут чөж. Сэссия содтыны ма да бура гудравны. Позьё юны и пөсьнас, и көдзыднас.



Пувйысь юмовтор

Ковмас: 2,5 кг пув, 1,5 кг сахар, мята.


Көструльын өтлаөдны пув (кольны өти стөкан) да литр джын ва. Ичөт би вылын пуны 5 минут гудралөмөн. Пуктыны көструльсө көдзыд ваө. Пыр гудралөмөн вочасөн содтыны сахар. Гудравны, кытчөдз сахарыс дзикөдз оз сыв. Банкаясө пуктыны свежөй тусьяс, вылас - артмөм гудрассө. Кор көдзалас, артмас желе. Кыскыны банкаясысь да пуктыны тасьтё. Мичмөдны мята корйөн. Желе пытшкө позьё содтыны уна сикас тусь.



Пувъя пөжас

Квайт морт вылө ковмас: 3 стөкан пув, 1,5 стөкан йөв, 4 стөкан пызь, пакет джын кос грөжжи, 3 чипан кольк, 4 ичөт пань сахар, 4 ыджыд пань мөс вый, 1 ичөт пань сов да сахар пугра.

Пувсө гудравны сахарөн, нырны, пуктыны холодильникө. Му-көдторсө гудравны да вөчны няньшом. Сулөдны 30 минут. Сэссия мольөдны да вөчны гөгыльяс. Быд гөгыль вылө пуктыны начинка, а вывсө вевттьыны мөд слөйөн, а дорьяссө чепөльтыштны. Жаритны пончиксө кыкнан боксяныыс мөс выйөн. Көдзалөм бөрас вывсө юмзьөдны сахар пудраөн.



Пувъя варенньö

Колө: 1 кг пув, 1 стөкан ва, 1,5 кг сахар.

Мыскалөм тусьясө кисьтны пөсь ва да сулөдны 2 минут. Сэссия васө лэдзны пож пыр дозий да дасьтыны сироп: 1,5 кг сахар вылө колө став сөдзөдөм ваыс. Тусьяссө пуктыны пөсь сироп пиө да пуны, кытчөдз оз ло дась.



ТӨД ВҮЛӨ

«Отсөг сетан служба» зильө быд карын. И быд звонитысьлы колө бура төдны, мый висьтаваны сэтчө шыодчигөн.

Тайө индөдъяс йывьсыс и пасйыштам.

Кыдзи шыодчыны МЧС-ө?

1. Медводз колө висьтаваны, мый лоис (өзйөм, туйывьса неминуа да с.в.), кызд позьбө стөчдык адрес, а сэсса звонитысьлысь ним, вич, ов да телефон номер.

2. Көтө ставөн төдөны, мый **01** номер - тайө став службаыскөд йитөд, позьбө и мукөдлаө звонитны:

02 - полиция, мобильнойсянь йитчан номерыс - **112**;

03 - тэрыб отсөг, мобильнойсянь - **112**;

04 - биару служба, мобильнойсянь - **112**.

3. Коми Республикаын позьбө шыодчыны и отувья «Дөверие телефон» пыр МЧС-ө. Тайө номерыс: **8 (8212) 29-99-99**.

4. ЖКХ-көд йитчыны позьянуныс эм жө - номерсө индөма квитанция вылад.

5. Сотөвөй телефоныд кө оз уджав, шыодчы аслад оператор дорад - МТС, Билайн, Теле2 либө Мегафон.



Колө пасйыны, мый 01 службаса оператор быд лун вочавиззө 1.500 звөнок вылө. На пөвстьыс коймөд пайыс - ылөдчана. Медуна звонитчөны сөр рышө либө войнас.

Дурьыс да дөзмөдчыс войтырлыс өдйө төдмалөны телефон номерьяссө, өд службаны став звөноксө гижөны-пасйөны, медым быд юалөм вылө вочавиззны колана ногөн. А татшөм ногөн гурөмысь тшөкыда штрапуйтлөны, и оз этша, мукөдыслы «вичмывлө» мынтыны 50 сюрс шайтөдз.

«Коми йөзөдчан керка»
Коми Республикаса
автономной учреждение.
«Йөлөгә» газет
редакция.

Адрес:

167982, Сыктывкар,
К.Маркс улича,
229-од керка,
401-402 кабинетъяс.
Тел. 24-12-22, 24-36-49.
E-mail: Yologa@mail.ru

Веськөдлысьлысь

удж вөчысь

Е.В.ПЛЕТЦЕР

Гл.редактор

Г.В.МАКАРОВА

◆◆◆

Газет паньсы:
Печать да юөр сетан Коми
Республикаса агентство.
Регистрируйтөма
2007 вося ноябрь 28 лунө
йөзлы юөр сетөм да
культураса озырлун видзөм
кузя оланпасьяс
збыльмөдөм бөрся
видзөдысь федеральной
службалөн Беломорской
управлениеын.
Регистрирутан пас:
ПИ №ФС 3-0686.
Социальной төдчанлуна
гижөдъяссө йөзөдөма «Коми
йөзөдчан керка» автономной
учреждениеылы печать да юөр
сетан КР-са агентствоон
вичмөдөм сьом вылө.

◆◆◆

Редакцияын

уджалысьяс:

**том йөзлөн мытшөдъяс
юкөнөн веськөдлысь –**
Надежда Пунегова;

письмө юкөнөн

веськөдлысь –

Екатерина Микушева.

◆◆◆

Медводдза лист бокас
снимокыс
Изъваса
РЦДО-лөн.

◆◆◆

Авторьяслөн мөвпяс оз
пыр лөсыяны редакциялөн
видзөдласкөд.

◆◆◆

Тираж – 475
Гижөдчан индекс – 52099.
«Йөлөгә» газет петө
1991-өд восянь
вөжоннас отчид, комион.

◆◆◆

Печатьө кырымалан кад:
график серти – сентябрь
төлысьлөн 3-өд лунө
16 часын; кырымалөма
печатьө 16 часын.
Газет печатайтөма
«Коми республиканской
типография» ООО-ын дас
оригинал-макетьясысь.
167610, Сыктывкар,
В.Савин улича, 81
Заказ №



Заводитчис выль велөдчан во. Велөдчысьыд вель уна карандаш-ручкаон вөдитчө. А медым пызан вылад пыр вөлі пöрадок, велөдчам вöчны мича «юкмөс». Сэтчө позьö пуктыны велөдчан эмбуртö.

Вöчам уна рöма «юкмөс»



«Юкмөс» вылө ковмас: 78 мороженöй сёян бөдьтор, гуашь, кисточка, картон, ПВА клей, линейка, карандаш, ножич.



Босьтчам уджö

Бөдьторсö позьö босьтны мороженöй вузалан лавкаысь.

- Медводз мавтам гуашöн бөдьторгьяссö уна рöмөн.

- Бөдьяслөн косьмиг кості вундам картонысь квадрат-пыдöс (кутам тöд вылын, мый кузя бөдьясыс, шуам, 9x9).

- Квадрат веркöс вылас клеитам öти рöма бөдьторгьяс. Клеитам 9 бөдь - артмис медводдза слöй.

- Сэсся вомөнногöныс 9 бөдь клеитам - артмис мöд слöй.

- Коймöд слöй вöчöм бöрын артмас «юкмөслөн» пыдöсыс.

- Та бöрын вöчам «юкмөслысь» стенсö.

- Ас кöсйöм серти клеитам уна рöма бөдьяс (сбöрсьöн-бöрсьöн, кутшöм рöм кажитчö).

- Артмис уна рöма стен.

- «Юкмөсыд» дась. Виччысям косьмöмсö.

- Со и артмис карандаш-ручка аслыспөлöс вичзанін.



Татшöм «юкмөсыд» и керка пытитö мичмöдас, и бур козинөн лоас.